

ტექნიკური დავალება

სამუშაოები შესრულებული უნდა იქნას წინამდებარე ტექნიკური დავალებისა და ხარჯთაღრიცხვის შესაბამისად.

მიმწოდებელი ვალდებულია, სამუშაოების შესრულება განახორციელოს საქართველოში მოქმედი ნორმატიულ-ტექნიკური დოკუმენტაციის პირობებისა და უსაფრთხოების ნორმების მკაცრი დაცვით.

მიმწოდებელი ვალდებულია, სამუშაოების დასრულებისთანავე, საკუთარი ხარჯებით უზრუნველყოს სამშენებლო და სამუშაო ფართის დასუფთავება: ნარჩენების, სამშენებლო ნაგვის მოგროვება, ტერიტორიიდან გატანა და მათი უტილიზაცია.

მიმწოდებელი ვალდებულია, სამუშაოების ნებისმიერი დეტალი, რომელიც არ იქნება განსაზღვრული ტექნიკური დავალებით, ხარჯთაღრიცხვით, ან ხელშეკრულებით, შეათანხმოს შემსყიდველთან.

მიმწოდებელი ვალდებულია, სამუშაოების შესრულება განახორციელოს ისე, რომ არ შეფერხდეს შენობაში მიმდინარე სამუშაო პროცესი და მინიმუმამდე დაიყვანოს მუშაობით გამოწვეული ხმაურის, ვიბრაციის და მტვერის გავლენა.

მიმწოდებელი ვალდებულია, უზრუნველყოს სამუშაოების წარმოებისას დასაქმებული პერსონალის შრომის უსაფრთხოება და აწარმოოს სამუშაოები აღნიშნული სამუშაოებისათვის გათვალისწინებული ნორმებისა და სტანდარტების დაცვით.

მიმწოდებელი ვალდებულია, სამუშაოები აწარმოოს ახალი, ხარისხიანი სამშენებლო მასალებით, შემსყიდველის უფლებამოსილი პირის მოთხოვნის შემთხვევაში, შემსყიდველს წარუდგინოს სამშენებლო მასალების ხარისხის და/ან წარმოშობის სერტიფიკატი, საჭიროების შემთხვევაში ნიმუშიც.

სასურველია, ხელშეკრულების გასაფორმებლად მოწვევის შემდეგ, გამარჯვებული პრეტენდენტი ადგილზე გაეცნოს არსებულ ვითარებას (ქ. თბილისი, დავით აღმაშენებლის გამზ. N150).

შენიშვნა:

შესასრულებელი სამუშაოების თვალსაჩინოდ შეფასებისთვის დაინტერესებულ პირებს შეუძლიათ ადგილზე გაეცნონ სარემონტო ობიექტს.

- ✓ მიმწოდებელმა სამუშაოების წარმოება უნდა დაიწყოს შემსყიდველის უფლებამოსილი პირის/წარმომადგენლისგან შესაბამისი დავალების მიღებიდან 2 (ორი) კალენდარულ დღეში. შემსყიდველის უფლებამოსილი პირის/წარმომადგენლისგან შესაბამისი დავალების/შეტყობინების დაფიქსირება მოხდება სატელეფონო კომუნიკაციის და/ან ელექტრონული ფოსტის საშუალებით.

შესრულებული სამუშაოების საგარანტიო ვადა შეადგენს 365 (სამას სამოცდახუთი) კალენდარულ დღეს, საბოლოო მიღება-ჩაბარების აქტით გათვალისწინებული სამუშაოების დასრულების თარიღიდან.

საგარანტიო ვადის განმავლობაში მიმწოდებელი ვალდებულია, შემსყიდველის მიმართვის შემდეგ, შემსყიდველთან შეთანხმებულ გონივრულ ვადაში (მაგრამ არაუგვიანეს 20 კალენდარული დღისა) საკუთარი ხარჯებით უზრუნველყოს ექსპლუატაციის პროცესში წარმოქმნილი ხარვეზების/დეფექტების აღმოფხვრა, გარდა მექანიკურად გამოწვეული დაზიანებისა.

მიმწოდებლის მიერ საგარანტიო ვალდებულების შეუსრულებლობის შემთხვევაში, შემსყიდველ ორგანიზაციას უფლება აქვს საკუთარი ხარჯებით აღმოფხვრას ექსპლუატაციის პროცესში გამოვლენილი დეფექტები და მოსთხოვოს მიმწოდებელს შესაბამისი ხარჯების სრულად ანაზღაურება.